

舊歷丁卯年十一月五日

聶氏家言旬刊

民國十六年十一月廿八日

第一四十五期

目錄
答葛志亮君書再續前期

家庭集益會之近狀

惠書誌謝

上海遼陽路聶宅發行

答葛志亮君書 再續前期

雲台

來函又深佩胡適之君輸入真科學提倡新文化。鄙人與胡君素相友善。然所見則不同。胡君極端崇拜科學。醉心西物。質文明者也。鄙人亦肉質之人也。與常人同其好惡。且素篤好科學。二十五年。前書室中。即有無線電透物光及其他電氣設備。半為自手所造。其能領略科學之興趣。殆不在胡君後。假令科學與物質文明。果能有利於人類。吾亦將安之。好之不減於胡君。然吾愛物質之利樂。尤懼精神之痛苦。吾今亦居高屋乘汽車。享用物質文明者。而日日以家計為憂。以營業不振為憂。以高屋汽車恐難久享為憂。以家人子弟習染趨下為憂。以小人盜賊窺伺暗算為憂。以吾所知社會中。享用物質文明之人。其享用之程度愈高者。其憂愈多。愈劇。吾知其然。故務力減其享用。以為隨時可脫離此文明之桎梏之預備。而差減其憂。然猶不能不為家人及眾人憂。憂其不能自知桎梏之所在。而求脫離之也。其致此精神之痛苦。難堪者。曰唯物質文明而已。不甯唯是。吾日日所接觸聞

見者。有所求者之詭態。有所挾者之驕態。有所謀者之偽態。有所爭者之狠態。吾受之已神為之不甯。而自問亦時復不免作此種態向人。偶一思及。輒煩汗而膚粟也。又所見多數歐美所謂上等社會中人。亦不外貪欲憂患詭譎很偽數者。大抵樂為物質文明所役。以造成卑劣之人格者也。執事既亟稱先儒之教人。尋孔顏樂處。又豔羨西方文化。震駭於新發明之機器。人須知是二者。乃不能並立。杰嘗遊美國南方。見其農民亦勤勞操作。與我國鄉農略同。而其風俗之樸厚。隨處可見。其人民操作之暇。樂其家室。以享其天年。復有大農。以機器為耕者。管地或數十萬畝。所入既豐。而個人及一家食用之需。甚有限。則又須營運其餘。費更事他種之發展。終日謀畫憂慮。心不得息。復繼之以欺詐爭忿。淫欲邪行。以視彼小農。役二馬種百畝之田。供一家之食。雖不豐裕。而自足。其樂者。反不如焉。其在工業亦復如是。為廠主者。實苦多樂少。而為之工作者。肢體雖勤。心神則逸。杰在此中二十餘年。故深知其情狀。乃知世間人彼此相羨。城市中。人則慕鄉

郵局掛號認為新聞紙類

本刊每年取費二角

間之樂。鄉間之人。又羨富貴之樂。及其易地以處。又自不見其樂。何則。嗜慾多而天機淺也。故古人言知足常樂。孟子曰。養心莫善於寡欲。孔顏之樂。能以理勝欲也。孔子釋迦之教。千言萬語。要不外存理去欲而已。循是則能使吾常樂。亦唯此能使世界人得樂。而機器實不能使人樂。但能使人苦而已。執事羨歐美科學發達。人民豐富。而不知其苦痛之程度。同時增高也。觀於美國犯罪者之日多。而可知矣。胡君極羨美國汽車之多。享用之便。以爲人生最大之幸福。吾敢斷言。胡君俟實有此等享用。十年後。決不作是語矣。彼市儈者。流腸肥腦滿。雖受反動之激刺。吾無望其有覺悟焉。若胡君則具有哲學之感覺者。故知其經驗後。決不作是言也。至執事稱其倡導新文化之功。吾則知胡君已深自感覺其所發生之痛苦矣。其功績則待胡君之良心與後之來者。依事實評判之。吾輩苟以理想遽加論斷。無論爲毀爲譽。皆恐徒重誣胡君也。近人崇拜西學者。不一其事。而杰覺西方有唯一有用之學。則爲我國學者所忽視焉。其學爲何。邏輯學是矣。或又稱爲論理學。又稱名學。邏輯者。凡論一事。必先正其名。定其義。彰其旨趣。然後以明白確定之比證。推勘得其斷案。如是則題目不含混。推論不夷。猶論斷乃能明白確定。泰西之名學。遠導源於希臘大賢亞里士多德。近發明於大哲學家。倍根。亞氏之學。爲演繹法。據總以推分。倍根之學。爲歸納法。由分以求總。近代科學哲學法學。一切定義。罔不資以發明。蓋講學家一切論理之依據也。其在我國。則周秦諸子多治

名學。以伸其學說。惠施公孫龍之徒。皆以名家標宗。而墨子實爲其初祖。墨子撰爲辯經。蓋與泰西之亞氏倍氏論理方法。一一符合。故墨子一切學說。皆有強固之壁壘。使人無隙可攻。蓋定義明比證確。而結論乃不可搖動也。〔詳見梁任公著墨學微〕佛家有因明學。因甲以明乙。以爲論理之法。亦即邏輯學也。夫所貴乎有論理學者。使持論者。當據成事以證理。而不徒據理想以測事。古今東西之大政治家大哲學家。凡事業功效之彰彰可見者。皆據成事以證理。而後施之於行事者也。故不自造新說。而多利用古人經驗歷史。成事以爲依據。聖如孔子。乃曰述而不作。信而好古。而自來執一說以害事。禍世者。皆以理想論事。臆測武斷。而自謂智過古人者也。如今日之青年學子。讀時人書一二冊。即從而發據政論。將以施治於天下。民衆雖屢施之。而害屢著。仍不悟也。必強天下之事。以從己見之理。曰爲之詞。曰理。論明明可通也。胡爲不可行耶。於是堅強執行。務貫澈其主張。而天下人受其害者。不可勝言矣。夫依據成事經驗。以斷事理。即孟子所謂故者。以利爲本者也。執一己之理想。以賊道害事者。孟子所謂所惡乎智爲其鑿者也。今天下之以鑿爲智者多矣。安得而不亂也。夫憑笨拙之物質。以推靈妙之人心。用陳死之法律。以治詭變之人情。此泰西學術政治所以失敗之根源也。彼已失敗。而我猶羨之不亦大可哀也已。是非顛倒。黑白淆亂。論理學不講之故也。伊古以來。正學不明。亦由講學者多徇情感。不澈究事實。理論之眞。所致。即如來函所錄

呂羅洪于諸氏之說皆循以論理學而不通者也何也彼或
 已見而無事證之根據或引事證則取偏遺全取小去大
 終致遺誤天下後世吁可慨已來函言執事初信瞿曇不意
 求福得禍云云此由未明佛法與因果爲何物所致佛法以
 悲智雙修爲事仁民愛物悲之事也存心養性智之事也若
 夫禍福則夙業所立之命也修身俟之可也天壽不疑庶幾
 爲知命之君子矣夫命固由夙因所立然今生之善惡亦足
 動搖之袁了凡立命說言之最精世人不知輪迴之理偶見
 爲善而反得禍報者遂疑天道難知實則除夙業外亦多有
 今生爲惡而不自知者如俞良臣淨意說讀之能使人悚然
 也執事必亦自謂生平好善不爲惡者杰亦敢信執事之誠
 心好善然竊懼其如俞氏之已造惡業而不自知也即如疑
 問求解中所言明明斷言無因果謂佛法虛無渺茫不適世
 用信之則亡國未有信之強國者梁任公撰佛與羣治之
 而亡國者於歷代無不有也佛家選世紀全印無佛
 印正化於外無遠弗屆也佛家選世紀全印無佛
 今之國民其最盛者莫如中國也佛家選世紀全印無佛
 清明之世其最盛者莫如中國也佛家選世紀全印無佛
 最爲教人治國之術也佛家選世紀全印無佛
 度徒居國治無遠弗屆也佛家選世紀全印無佛
 厚來神牛馬奴隸人治無遠弗屆也佛家選世紀全印無佛
 年成後失自奴隸人治無遠弗屆也佛家選世紀全印無佛
 自實利事近國物隸人治無遠弗屆也佛家選世紀全印無佛
 不創及後內我然失自奴隸人治無遠弗屆也佛家選世紀全印無佛
 畫其辦樂如國在公上人僅其豐化無遠弗屆也佛家選世紀全印無佛
 計蒙日增利鐵蓋路種與自奴隸人治無遠弗屆也佛家選世紀全印無佛
 功富而後其辦樂如國在公上人僅其豐化無遠弗屆也佛家選世紀全印無佛
 十國民計殊自會年厚度最清爲印而
 年上富而後其辦樂如國在公上人僅其豐化無遠弗屆也佛家選世紀全印無佛

度情形者之言也微引事證顛倒不實且於古來謗佛之
 言則引之而明賢大儒奉佛宏法者置之不論因果未顯明
 者援之而於鬼神因果之昭著者又言其不應講則是挾持
 成見不欲人之言因果而已夫責禍福於佛已深悖佛義矣
 況佛以悲愍救度衆生爲職志者救度必待於言說而自來
 切中羣衆心理使人有欣懼而爲善去惡者未有更善於因
 果之說者也即執事亦嘗受此說之感動者則知其效用之
 及人者廣矣今乃爲文攻之而其動因乃爲一己禍福之故
 是逞一己之意氣而不細爲羣衆之利害設想即此一舉已
 不免於造重大之惡因則其所謂能爲善不爲惡者殊難知
 也且衡以儒者行有不得反求諸己之義亦有未當况言因
 果無憑則禍福祥殃皆屬偶然而毫無意義之事則必先推
 翻孔子而後可乃執事既推孔顏而所服膺者實新文化
 之唯物主義宗旨不定宜其矛盾互見也承以刻正誼堂及
 曾文正全集見屬杰於文正集久欲摘其精華另刻節本以
 便廣傳已著手經年矣至正誼堂書杰十七八歲時即好之
 然醇疵互見苟不精加選擇必致貽誤學者夫性理學之名
 詞宋以前未之或聞蓮溪周子始開理學之先河周子實得
 之於佛氏(我信錄引證甚詳)五子之學皆同一源凡其
 精義爲前人所未發者無一不取資於內典蓋性理之學未
 有精於佛說者故能讀大乘經典則於孔孟之精義自易迎
 刃而解然宋儒既取佛家之餘緒以爲己得又持門戶之見
 排斥佛氏以此偏蔽之故劇致誤解經意以從己見使後之

學者狹其問學之門。窒其聞道之路。終至使孔子之學晦而不顯。蓋程朱衛道之功。不敵其蔽道之過也。杰深痛之。不揣固陋。欲發明孔義。貫通佛說。糾正宋儒偏蔽之失。示後學入德之門。前於致政。假庵書。略發其端。蓋孔子之道。以親民為主。旨而其學。以誠意為綱領。佛學亦惟此二大要義。慈悲度衆親民也。寂淨光明誠意也。

而程朱乃改親民為新民。認格物致知為窮物理。而將親民與毋自欺兩大要義完全抹殺。此杰所以言其蔽道也。乃承手示。深加獎許。並蒙賜函。以其心得相與切磋。若杰默而不言。是負執事之厚意。且非以直見道之義也。然古有諍臣入則面折廷爭。出則焚其諫草。不使人知。論友道固亦當如是。杰乃從旬刊中答復尊函。殆不合於古誼。然杰亦如執事以闡明正道。啓導社會為職志者。事關羣衆利害。非個人之事也。今之青年學者。抱唯物觀之人。幾於盈天下。皆是而侈言孔孟者。又好為高論。不能體聖人循循善誘之意。以切實受用之。學教人。故藉答執事之函。以與一般學者商榷耳。且君子之過。如日月之食。過也人皆見之。更也人皆仰之。夫君子不順其過而為之辭。不務掩其不善而著其善。誠知乎微之顯。誠之不可掩。而十手十目之指視。尤嚴於里巷悠悠之口也。子產不毀鄉校。曰其所善者吾則從之。其所惡者吾則改之。杰敢不以古之君子視執事哉。若其言之當否。則請俟天下後世之評判。假令其言偏蔽。賊道或難。以感情意氣與好名之心。則雖幸免於執事與社會之詞責。豈能逃良心之內疚與感德之惡果哉。聶其杰啓。

家庭集益會之近狀

家庭集益會自夏秋停兩月餘。九月中旬。重復舉行。但以其杰暇少。未能如前將所講者一一記錄。近日仍以五種遺規為藍本。現講唐翼修人生必讀書。唐君是書採輯古今名理。及已所著論。皆存心修身齊家處世切實適用之言。若能常與家人子弟講說。數節實有大益。此外附講勸戒錄類編故事數則。大抵選其兩相印證發明者。如所講為關於事親者。則擇勸戒錄孝不孝之勸戒一類講之。勸戒類所記皆近事。可徵信者。兒童聽故事較之空說理者。尤有興趣也。前月二十日之會。老太太諭聽衆云。三兒所講。皆切實有益之言。甚有關繫。各人當加重視。如時到會云云。其杰聞論深滋悚愧。敢不益加奮勉。以副慈懷。乎去秋起至今夏之集益會紀錄。已印成單行本。不日出版。并以預告。

惠書誌謝

阿彌陀經詳註 山東對堯潘居士捐資印送。如如子集註。簡明切要。讀之易於了解。經義居士撰弁言。說明淨土法門之利益。引述古事為證。不空言理論。而佛法之高於一切法。淨土之高於一切宗。豁然呈露。誠接引初機之佳作也。淨土清鐘 對堯居士撰。印光法師鑒定。並撰序。書取材於淨土聖賢錄及續錄。擇其事蹟顯著。尤易感人者。得二百六十餘條。每條至多三百字。使人易讀。各附偈讚。凡往聖前賢之所成就。概括於二十八字之中。讀者陶詠之餘。自能奮發。於起信助道。大有裨益。杰擬重排精印。以廣流通。